

**No.B.13021/101/2020-DMR/Pt-III**  
**GOVERNMENT OF MIZORAM**  
**DISASTER MANAGEMENT & REHABILITATION DEPARTMENT**

\*\*\*

*Aizawl, the 30<sup>th</sup> of June, 2020*

**ORDER**

Whereas, a nationwide restriction on movement and activities was implemented from 00:00 hrs of 25.03.2020, in pursuance of the Order of the National Executive Committee conveyed vide Ministry of Home Affairs, Government of India Order No.40-3/2020-DM-I(A) dated 24.03.2020;

And whereas, the Ministry of Home Affairs, under the directions of the National Disaster Management Authority, has re-opened certain activities in a calibrated manner, in areas outside the containment zones and extend the lockdown in containment zones upto 31.07.2020 vide Order No.40-3/2020-DM-I(A) dated 29.06.2020;

And whereas, it appears that there is no community spread in the State till date;

And whereas, the prolonged suspension of economic and livelihood activities has severely affected the vulnerable sections of society, and it is felt necessary to mitigate the economic hardship faced by the people without compromising the health and safety of the general public;


Now therefore, the undersigned, in his capacity as the Chairman, State Executive Committee, Mizoram State Disaster Management Authority, and in exercise of the power conferred by Section 22(2)(h) & 24(l) of the Disaster Management Act, 2005 hereby orders that partial lockdown measures, as appended hereto, shall be implemented from **01.07.2020 to 31.07.2020**.

**Sd/- LALNUNMAWIA CHUAUNGO**  
Chief Secretary, Mizoram &  
Chairman, State Executive Committee,  
Mizoram State Disaster Management Authority

**Memo No.B.13021/101/2020-DMR/Pt-III : Aizawl, the 30<sup>th</sup> of June, 2020**

Copy to:

1. Secretary to the Governor, Mizoram.
2. P.S. to Chief Minister, Mizoram for information.
3. P.S. to Deputy Chief Minister, Mizoram
4. P.S. to Speaker, Mizoram
5. P.S. to all Ministers/Vice-Chairman, State Planning Board/Ministers of State/Deputy Speaker/Deputy Govt. Chief Whip, Mizoram.
6. Home Secretary, Government of India, North Block, New Delhi.
7. Sr P.P.S to Chief Secretary, Government of Mizoram.
8. P.S. to Addl. Chief Secretary, Government of Mizoram.
9. All Principal Secretaries/Commissioners/Secretaries, Govt. of Mizoram.
10. Director General of Police, Mizoram.
11. Commissioner & Secretary, Mizoram Legislative Assembly.
12. All Administrative Heads of Departments, Government of Mizoram.
13. Secretary of all Constitutional & Statutory Bodies, Mizoram.
14. All Head of Departments, Government of Mizoram.
15. All Deputy Commissioners, Mizoram.
16. All District Superintendents of Police, Mizoram.
17. Executive Secretary, LADC/MADC/CADC
18. Superintendent of Police, Traffic, Aizawl.
19. Director, I&PR for wide publicity.
20. Controller, Printing & Stationery with 5 (five) spare copies for publication in the Mizoram Gazette.
21. Guard File.

 30/6/2020

**(Dr MALSAWMTLUANGA FANCHUN)**

Under Secretary to the Govt. of Mizoram  
Disaster Management & Rehabilitation Department.

**No.B.13021/101/2020-DMR/Pt-III**  
**01.07.2020 LEH 31.07.2020 INKARA MIZORAM CHHUNGA**  
**INKAIHHRUAINA KALPUI DAN TUR THUPEK**

*Mizoram Sawrkarin 25.03.2020 atanga Lockdown a kalpui chu mimal eizawna leh mipuite harsatna sutkianna atan, 01.07.2020 atang hian thlahdul deuh remtih a ni a. Amaherawhchu, COVID-19 hrileng mekin India ram hmun hrang hrangah kian lam ala pan mai loh avangin inkhuahkhirhna thenkhat erawh kalpui tul tih a ni. Chuvangin, a hnuai tarlan inkaihhruaina te hi 01.07.2020 atanga 31.07.2020 thleng hman tur atan siam a ni. Hei hian a hma-a lockdown kaihhruaina alo siam tawh te a thlak (supercede) ang.*

**I. MIZORAM PUMA INKHUAHKHIRHNA KALPUI TUR TE**

**A. International & Inter-State Border**

1. Mizoram luhchhuahna international border leh inter-state border khar mekte chu khar chhunzawm a ni ang.
2. Lengpui airport chu hawn chhunzawm a ni ang a, thlawhna a Mizoram lo lut tur reng reng chuan mCOVID-19 mobile application-a *mPASS-Flight* ah Mizoram pana an lo chhuah hma-in an in register lawk tur a ni.
3. Bairabi, Vairengte leh Kanhmun kaltlang kawngpuite erawh chu Mizoram-a hman tur bungraw phurlut leh Mizoram-a thar leh siam bungrua phur chhuak lirtheite tan hawn a ni ang.
4. Mizorama lo lut tur zin veivahna lirthei erawh chu Home Department phalna nei chauh kal phal a ni ang.
5. Mizoram atanga chhuak tur zin veivahna lirthei erawh chu an awmna Deputy Commissioner te phalna la in an chhuak thei ang.

**B. Mizorama lo lut tur screening leh quarantine chungchang**

1. Mizoram pawn atanga lo lut tur reng reng chu quarantine tur an ni a. Quarantine dan tur fel taka ruahman a nih theih nan Mizoram Sawrkar phalna an la hmasa tur a ni.
2. Phalna neia Mizoram-a lo lut reng reng chu entry point-ah uluk taka *screening* kalpui chhunzawm zel a ni ang. Mizoram mi leh sa, lockdown avanga State pawna tangkhangte lo kir leh dan tur ruahmanna chu 15.05.2020 a chhuah, *COVID-19 Lockdown avanga Mizoram mi leh sa, Mizoram pawna tangkhangte lo haw dan tur kaihhruaina siamthat (Revised Standard Operating Procedure)*, in a sawi angin kalpui a ni ang.
3. Mizoram-a lo lut te quarantine dan tur chu Health & Family Welfare Department in kaihhruaina a siam anga kalpui a ni ang.

4. Driver leh handyman te, Mizoram pawn aṅanga bungrua la-a zin te chu Sawrkar quarantine facility-ah an khawsa ang a, bungraw lak hna an thawh chhung chu midang nen intlawhpawh lovin quarantine facility aṅangin an thawk ang a, load an lak hnahnun ber aṅanga ni 14 hnu-ah an in lama haw phalsak an ni ang. Quarantine facility-a an awm chhung hian an chhungte leh midang tlawhpawh phalsak an ni lovang. **Aarogya Setu**-ah in-register vek tur a ni.
5. State pawn lam lirthei driver leh handyman, phai aṅanga bungrua rawn thiar lut ṭhinte chu an kalphung pangngai angin khaw dai hmun remchangah anmahniin eirawng an inbawl chawp ang a, khawchhungah midang nen inchiahpiah lovin an bungrua an unload zawh veleh an let leh nghal ang. An bungrua unload chhung hian midangte aṅanga meter hnih (2) tala hla-ah an awm tur a ni. **Aarogya Setu**-ah driver leh handyman-te hi in-register vek tur a ni.
6. All Mizoram Petroleum Dealers Association (AMPEDA) leh Mizoram Tanker Drivers Association (MTDA) hnuaia tanker driver leh handyman, Mizorama khawsa te, Mizoram pawn aṅanga oil phur lut te reng reng chu an oil phurh an unload hnu-ah Vairengte-a an awmna tur ruahmanah an khawsa ang a, hemi hmun atang hian chhungte nena intlawhpawh lovin load an thiar ṭhin ang. **Aarogya Setu**-ah in-register vek tur a ni.
7. A chung a tarlan driver leh handyman-te hian kawng laka harsatna an tawh thulhah State Control Room (Toll free 1070, landline 0389-2335842/2335837 leh mobile 9366331931)-ah phone-in an harsatnate an thlen thei ang.

### C. Sawrkar Office, Kohhran, NGOs leh office dangte

1. Mizoram chhunga office zawng zawngte chu dan pangngaiin an kal ang. Office tinah *SOP for Social Distancing* (**Attachment-1**) khauh takin kalpui tur a ni.
2. Minister-te public interview hun erawh chu khar rih a ni ang.

### D. Mipui vantlang tana inkhuahkhirhna hriatturte

1. Zan dar **7:30** leh zing dar **4:30** inkarah pawn chhuah khap tlat a ni. Hemi atan hian District Magistrate ten Section 144 CrPC tlawhchhanin inkhuahkhirhna thupek an chhuah ang. Hei hian COVID-19 kaihhnawiha duty te, phai aṅanga bungraw phur motor in unload, chhiat tawh thil leh medical emergency-a LLTF/ VLTF ten District Magistrate-in thuneihna a pek dungzuia phalna an pek te a huam lovang.
2. Loh theih loh thil a nih loh chuan, kum 65 chin chunglam te, taksa hriselna lama harsatna nei sa te, nau pai te leh naupang kum 10 hnuaialam te chu mahni inchhungah inkharkhip tur a ni.

3. Pawn (vantlang hmun/ puipunna hmun/dawr/office/damdawiin/ clinic adt.) chhuak tur reng reng chuan face mask emaw hmanraw dang hmangin hmai an tuam ngei tur a ni.
4. Vantlang hmun leh dawra kalte chu metre hnih tal-a inhlata awm tur a ni.
5. Ram pawn atanga lo lut mikhualte tumahin thlen (mikhual) phal a ni lo. Hei hian Home Department emaw Deputy Commissioner te phalna neite a huam lovang.

**E. Zin veivah leh mipui chet vel chungchang**

Mizoram chhung khaw kar kawnga passenger phur lirthei (commercial passenger vehicle) leh city/town bus, taxi, auto rickshaw leh two-wheeler taxi te chuan registration-a seating capacity tarlan aia tam an phur tur a ni lo. Lirthei khalhtute leh an phurh ten face mask an vuah vek tur a ni. Passenger-te hman tur *hand sanitizer* an pai reng tur a ni. Commercial passenger lirthei kaihhraina Standard Operating Procedure (SOP) **Attachment-2** a dah hi zawm ngei tur a ni.

**F. Zirna in, sakhaw biakna hmun leh mipui punkhawmna hmun te**

1. Zirna in leh training institute te chu khar chhunzawm zel a ni ang.
2. Sakhaw biakna hmunah te chuan mipui punkhawmna tur inkhawm programme pangngai siam khap rih a ni ang.
3. Biak In-a zing tawngtai, inneih inkhawm leh lawmna (reception), mitthi vuina, lungphun, anniversary, politics leh pawl thila kalkhawmna chi reng rengah mi 50 aia tam punkhawm khap a ni.
4. Games & sports practice, book release leh hetiang lam chi reng rengah mi 25 aia tam punkhawmna huaihawt phal a ni lo.
5. Games & sports tournament leh mipui punkhawmna tur thil reng reng huaihawt phal a ni lo.

**G. Bungraw chawkluh leh thiar chungchang**

Phai atanga bungraw la lut tur reng reng chuan **mCOVID-19** mobile application-a **mPass** hmangin declaration an thehlut tur a ni.

**H. Dawr leh sumdawmna hmun**

1. Dawr, sumdawmna hmun leh eizawmna hmun dangte chu a pangngaia hawn theih a ni.
2. Hawker stall te erawh chu Deputy Commissioner kaihhraina hnuaiah LLTF/VLTF ten ruahmanna an siam anga kalpui tur a ni ang.
3. Beauty parlour, lumehna leh spa te chu hawn phal a ni a, amaherawh chu social distancing a awm theih nan appointment an siam lawk tur a ni. Tin, an hmanrua leh equipment pawh uluk takin an tithianglim

(sanitize) zel tur a ni a, customer te hming leh address mumal takin register-ah an ziaklut thin tur a ni. Heng dawrah te hian tum khatah dawrtu mi panga (5) aia tam awm phal a ni lo.

4. Mipuiin awlsam zawka thlai leh chawhmeh an hmuh theih nan veng hrang hrangah LLTF/VLTF ten chawhmeh zawrhna tur hmun an ruahman anga, metre 2 aia in hnaih lo turin thutna an ruahmansak ang. Inrinni-a mipui punkhawm luih luih pumpelth nan kar khatah ni thum (3) tal thlai thar leh chawhmeh dang zawrhna hun ruahman thin tur a ni.
5. A chungar tarlan (H.1 to H.4) ah te hian 'Standard Operating Procedure (SOP) for Social Distancing' (**Attachment-1**) tha taka zawm tur a ni. SOP hi zawm a nih ngei nan LLTF/VLTF ten anmahni bial chungah hma an la ang.
6. Public park, picnic spot, movie theatre, gym leh intawllenna hmun zawng zawng chu khar chhonzawm tur a ni.
7. Dawr zawng zawng (damdawi dawr tiam lovin) chu tlai dar **6:00-ah** khar vek tur a ni.

## II. AIZAWL MUNICIPAL AREA BIKA INKHUAHKHIRHNA DANG KALPUI DAN TUR.

### Lirtheia veivah chungchang

1. Aizawl Municipal Area bikah chuan lirthei registration number 'odd-even' angin an intlanchhawk ang. **Even number** (number inkawpkim) lirtheite chu Thawhtanni, Nilaini leh Zirtawpni-ah an tlan ang a. **Odd number** (number inkawpkim lo) lirtheite chu Thawhleini, Ningani leh Inrinni-ah an tlan thung ang. Chawlhni (Sunday)-ah chuan eng motor mah tlan phal a ni lovang.
2. Lirthei intlanchhawk hian law & order duty te lirthei, COVID-19 duty atana Sawrkar hnathawkte lirthei hman, ambulance, medical/veterinary emergency atana motor hman te, essential services (AMC hnuaia bawlhhlawh paih, bawngnhute phurh/ semna, P&E line duty, PHE tui sem, chanchinbu sem, LPG delivery, dak sem, adt.) atana motor hman te, print & electronic media mi te motor, Kohhran hminga motor register-te, mahni veng chhunga LLTF duty-te lirthei, khaw kar bus leh maxi cab service-te a huam lovang.
3. Intlanchhawk hian zing dar 9:00 atanga tlai dar 5:00 thleng a huam ang.
4. Chhiah tawh thilah, chhiah tawh hming leh veng ziakin chhungkaw member te tan leh medical emergency-ah chuan LLTF ten lirthei tlan phalna an pe thei ang. Tul bik dangah leh Aizawl atanga chhuak tur leh lo lut turte tan Superintendent of Police (Traffic) in phalna a pe thei ang. Phalna hi [mCOVID-19](https://mccovid19.mizoram.gov.in) mobile application emaw <https://mccovid19.mizoram.gov.in> hmangin a dil theih a ni.

### **III. CONTAINMENT ZONES:**

A ṭul a nih chuan Deputy Commissioner-ten an District chhungah *containment zone* an puang thei anga, containment zone puanah te chuan Deputy Commissioner-in thupek a siam zawm tur a ni ang.

### **IV. HREMNA DAN**

He thupek zawm lo chu Disaster Management Act, 2005 hnuaia Section 51 atanga Section 60, The Mizoram (Containment & Prevention of COVID-19) Ordinance, 2020 hnuaia Section 5 leh IPC Section 188 hmangin hrem theih an ni.

Sawrkarin heng thuchhuah a siamte hi a ṭul dan azirin a ennawnin a tidanglam thei ang.



**(LALNUNMAWIA CHUAUNGO)**

Chief Secretary & Chairman

State Executive Committee

Mizoram State Disaster Management Authority

## **STANDARD OPERATING PROCEDURE FOR SOCIAL DISTANCING**

'Social Distancing' hi mi zinga kan awma inhlatawkw taka awm, 'Physical Distancing' a ni ber a. Chu chuan hnathawhna leh veivah velna zawng zawngah midang nena inhlatawkw taka awm hi a kawka ni. COVID-19 hri kai theihna - taksa insik, khuh, hahchhiau, chil per leng vel, etc aṅanga kan him theih nan midang nen meter hnih tala inhlatawkw a ṅul. Lockdown zawh hnu pawhin fimkhur zui a la ngaih viau avangin social distancing hi la hman zui zel a ṅul em em a ni.

Sawrkar, pawl leh mimal office hrang hrang, sumdawna leh thil siamna hmun, in leh lo dinna hmanraw lakna hmun hrang hrangte leh ei leh in zawrhna hmuna inkaihhruaina chu a hnuaia tarlan ang hi a ni.

### **1. SAWRKAR OFFICE, PAWL LEH MIMAL OFFICE TE:**

- a) Head of Department/Head of Office ten khauh takin pisa chhungah *social distancing* an kalpui tur a ni. Midang nena indawrin hmai tuamna hman ngei tur a ni.
- b) Head of Department/Head of Office tin te chu office vawn fai leh tih thianghlim kawngah mawhphurtu an ni ang a, office chhungah kut silna hmanrua (tui, sahbawn/handwash) an buatsaih ngei ngei tur a ni. Tin, office gate/kawtkaiyah kut silna tur emaw hand sanitizer emaw an dah ang a, office building lut tur reng rengin kut an sil vek tur a ni.
- c) Office chhungah phalna la hmasa lovin pawnlam mi dawrtu luhtir loh tur a ni.
- d) Head of Department/Head of Office ten an office-a lirthei leh bungrua, pawn lam aṅanga lo lut te chu tih thianghlim (sanitize/disinfect) dan tur an phak tawkin an ruahman ang.
- e) Office building leh a chhehvel, a hnuaia tarlan te hi uluk takin tih thianghlim (disinfect) ṅhin tur a ni ang:
  - i. Office luhkâ, office kawt leh chhehvel, office building.
  - ii. Office canteen.
  - iii. Meeting room, conference hall, verandah, etc.
  - iv. Bathroom leh inthiarna (Toilet).
  - v. Office building bang, step leh step vawnbân te.



- f) Office bus leh sawrkar lirthei, staff te office kalna atana ruahmanah, registration certificate a seat awm zat chiah passenger phurh tur a ni ang. Driver leh a phurh ten hmai tuamna an hmang vek tur a ni.
- g) Office hnathawk, damlohna nei sa emaw hrisel lohna bik nei leh nau paite, office kal thei lo te chu chawlh (Commuted Leave) pek an ni ang.
- h) Tul bikah lo chuan meeting neih loh tur a ni. A huhova inrawn/sawihon ngai thil a awm anih chuan a theih chin chinah video conferencing leh online mode dangte hman tangkai hram tur a ni.
- i) Department emaw office dangte nena indawr tulna thilah chuan email emaw electronic media dang hman hram tum tur a ni.
- j) Bill e.g. electric, tui, phone bill, etc. pekna hmunahnte tum khata mi an pun khawm teh loh nan ruahmanna fel takin siam tur a ni. Online-a bill pek uar ni se.
- k) Mipuiin Sawrkar Department-te ral khat atanga an dawr theih nan Department tinin Information Technology an hmang tangkai tur a ni. Hemi atan hian a tul angin ICT Department-in hma a la ang.
- l) Hnathawktute chu chhunah office canteen-a chawl rual vek lova, a inchhawka an chawlh/ei dan tur ruahmanna siam bawk tur a ni.
- m) Sawrkar leh mimal Office-a thawkte hi **Aarogya Setu**-ah in-register vek turin Head of Office ten an hrilh hre tur a ni.

## **2. BAZAR, DAWR LEH SUMDAWNNNA HMUNTE:**

- a) Bazar, dawr leh hmundanga kal tur reng reng chuan (face mask emaw hmanraw dang hmangin) hmai an tuam ngei ngei tur a ni.
- b) Mi pathum aia tamin dawr pakhat an nghak tur a ni lova, wholesale dawr te leh dawr lian (Departmental Store)-ah te erawh chuan mamawh dan azirin godown/ store lamah thawktu nen mi paruk (6) thleng chhawr theih a ni ang a, a zat chiah erawh chu dawr awmna veng a LLTF ten an bituk ang.
- c) Dawr nghaktu ten face mask an hmang reng tur a ni. Kut sil faina emaw hand sanitizer anmahni leh dawrtu te hman theih turin an chhawp tur a ni.
- d) Dawr neitu ten (dawrtute inhlath taka an awm theih nan) dawrtu turte dinna tur, meter hnih kar danah an rin lawk tur a ni. Dawr chhungah pawh meter hniha inhlath an awm tur an ni.

- e) Thlai leh chawhmeh dang zuar ten an thil zawrh te fai takin an enkawl tur a ni a, thil zuar reng rengin hmai an tuam ngei tur a ni.
- f) Thlai, thei leh sa zawrhna, VLTF/LLTF ten an ruahmanna-ah mipui an inhnaihchilh loh nan mipui dinna tur meter hnih danah an rin tur a ni. A tul angin bazar hmun bik kher ni lo school kawt zawl, inkhelhna field tual leh hmun remchang dang te pawh a tul anga ruahmanna siam a ni ang.
- g) A theih chin chinah dawr nghaktu zawng zawng ten **Aarogya Setu** app-ah an in-register tur a ni.

### **3. SHOPPING MALL/ COMPLEX, RESTAURANT LEH HOTEL-AH**

- a) Luhna (entrance) ah kut silna emaw hand sanitizer leh khawsik enna (thermal scanner) dah ngei ngei tur a ni.
- b) COVID-19 laka himna tura inzirtirna lamhawi poster-te chu langsar taka tarlan tur a ni.
- c) A theih chin chinah dawrtu te, hnathawktu te leh bungraw lak/pekna tur atan a hranpaa luhna leh chhuahna siam tur a ni.
- d) Boruak luhna leh chhuahna (cross ventilation) thahnem tawk tak hawn tur a ni.
- e) Hmun khata mipui pun khawm khap tlat tur a ni.
- f) Mipui tlawhpawh ngun deuhah te chuan kuta khawih ngun deuh (kawngkhar pawhna, elevator hmehna, vawnbân, thutthleng sei, intihfaina hmuna vawnfung, adt.) chu tih fai bakah uluk taka 1% sodium hypochlorite hmanga tihthianghlim thin tur a ni.
- g) Shopping mall/complex leh hotel chhunga games khelhna, naupang infiamna hmun leh cinema hall te chu khar rih tur a ni.
- h) Restaurant leh shopping mall/complex chhunga thil eina hmunah social distancing a awm theih nan eina dawhkan te chu feet 6 tala inhlata rem tur a ni. Thutna awm zat chanve (50%) bak vawikhat ah chawlh luh phal loh tur a ni.
- i) Social distancing a awm theih nan, a theih chin chinah ei tur chah leh ei man inpekte chu online/digital mode hmanga tih tur a ni.
- j) A theih chin chinah takeaway/home delivery uar tur a ni. Ei tur/bungraw hlantu/kengtu chuan a leitu/chahtu kutah a hlan tur a ni lo va, a leitu/ chahtu te kawngka bulah a dah mai tur a ni.
- k) A theih chin chinah shopping mall/complex-a dawr nghaktu te, restaurant-a thawk te leh hotel-a hnatawktu te hian **Aarogya Setu** app-ah an in-register tur a ni.

**4. HNATHAWHNA HMUN DANGAH  
(CONSTRUCTION, MANUFACTURING, SERVICES & LOGISTICS)**

- a) Hnathawhna hmun chu fai takin vawn tur a ni. Hnathawktute inthiarna leh insilfaina tur ruahman ngei tur a ni. Hemi atan hian a neitu/chhawrtute theuhin mawhphurhna an la ang.
- b) Hnathawhna hmunah te hian kum lama upa, damlohna nei sa emaw hrisel lohna bik nei te leh nau paite chu chhawr loh tur a ni.
- c) Hnathawhna hmunah te hian tum khatah mi panga aia tam thawh loh hram ni se. Tul bik thila mi panga aia tam thawh a tul a nih pawhin inhlatawmin hna thawh tur a ni.
- d) Loneitu leh huan neitute, ran vulhtute, sangha dil neitute leh a thawktute pawh an hnathawhna hmunah theuh midang nena inhlatawmin hna thawh tur a ni ang.
- e) Puanthuina, lumehna, pheikhawk chhe siamna, etc. ah te mi panga aia tam awm phal a ni lo. A dawr neitu-in ruahmanna a siam ang.
- f) Bungraw load leh unload chungchangah bungraw phurtu driver leh handyman ten hnathawktute an tawktur a ni lova, unloading pawh hnathawhna hmuna worker te'n an ti fel tur a ni.
- g) A theih chin chinah hnatawktute hian **Aarogya Setu** apps-ah an in-register tur a ni.

**5. COVID-19 KAI NIA RINHLEH AN AWM CHUAN:**

- a) Damlo chu mi dang nen inpawh lova a awm theihna room-ah dah hran nghal tur.
- b) Doctor-in a endik hma chuan a face mask a phelh tur a ni lo.
- c) A rang thei ang berin medical facility (damdawi in/clinic) emaw district helpline hriattir nghal tur.
- d) Doctor-in a enfel hnuah a dinhmun azirin a case enkawl dan tur, a contact-te chhui dan tur leh hmunhma tihthianghlim chungchangah a tul anga hmalak tur a ni ang.
- e) Positive a lo nih hlauh chuan uluk taka a sulhnu te chhuia, natna hrik a darh loh nan tih thianghlim nghal tur a ni.

\*\*\*

**MIZORAM CHHUNGA COMMERCIAL PASSENGER PHUR MOTOR TEN AN ZAWM TUR STANDARD OPERATING PROCEDURE**

COVID-19 hrileng avangin ram chhung ah harsatna kan tawh mek avangin Lirthei neitute leh mipuite COVID-19 laka kan him zel theih nan, a hnuai tarlan ang hian kaihhruaina siam a ni.

**1. TWO-WHEELER TAXI**

- a) Two wheeler Taxi khalhtuten an passenger-te an chhuk veleh midang an chuan leh hmain, uluk takin an lirtheite an sanitize ziah tur a ni.
- b) Two wheeler Taxi khalhtu leh Passengerten Mask an vuah ngei ngei tur a ni.

**2. TAXI/ AUTO-RICKSHAW**

- a) Taxi/ Auto-Rickshaw-ah te hian registration certificate a tarlan seating capacity aia tam chuan phal a ni lo.
- b) Driver leh Passenger ten Mask an vuah ngei tur a ni.
- c) Sanitizer hman tur Taxi/Auto-Rickshaw chhungah a awm ngei tur a ni.
- d) Driver-in a zing thei ang berin motor chhung leh vawnbante uluk takin a sanitize thin tur a ni.

**3. MAXI CAB (State chhung leh pawn service)**

- a) Registration certificate-a tarlan, seating capacity bak passenger phurh phal a ni lo.
- b) Driver leh Passenger ten zin kawngah Mask an vuah ngei tur a ni.
- c) Driver-in a zing thei ang berin motor chhung leh vawnbante uluk takin a sanitize thin tur a ni.
- d) Sanitizer hman tur motor ah a awm ngei tur a ni.

**4. CITY BUS/ TOWN BUS/ INSTITUTION BUS/ SCHOOL BUS/ BAZAR BUS/ LINE BUS**

- a) Registration certificate-a tarlan, seating capacity bak passenger phurh phal a ni lo.
- b) Driver/ Conductor-te leh Bus-a chuang ten Mask an vuah ngei tur a ni.
- c) Sanitizer hman tur Bus-ah a awm ngei tur a ni.
- d) City Bus ten turning point an thlen hunah Bus chhung leh vawn bante Sanitizer hmangin uluk takin an tifa thin tur a ni.

Mask vuah leh motor sanitized chungchangah motor enkawltu ten mawh an phur ang.

Driver leh Conductor zawng zawngin **Aarogya Setu** app-ah in register vek tur a ni.

Heng a chung a ruahmanna siam hi theih tawpa kan zawm tlan chuan COVID-19 hrileng leh darh zau zel tur lakah Zoram mipuite kan him thei dawn a ni. Chuvangin passanger phur chi lirthei enkawltuten theihtawp chhuaha zawm tur leh a tul anga passenger-te ziritr turin kan inngen bawk a ni.